

Jalin kerjasama melalui Internasional Literatur Nusantara

Oleh MOHD FIRDAUS
HASRAF BIN HASSAN

SEMINAR Internasional Pertama Literatur Nusantara (SILiN 2017) yang dianjurkan Persatuan Penulis Budiman Malaysia (BUDIMAN) dengan Institut Agama Islam Negeri Kota Salatiga (IAIN) dengan kerjasama Fakulti Bahasa dan Komunikasi (FBK), Universiti Pendidikan Sultan Idris (UPSI) dengan Forum Lingkar Pena (FLP) dari Salatiga, telah berlangsung dari 7 -9 September 2017 bertempat di Aula Gedung Hasyim As'ari, kampus III IAIN Salatiga, Jawa Tengah, Indonesia.

Para peserta SILiN 2017 terdiri daripada para pensyarah dan pelajar pasca siswazah dari UPSI, Universiti Putra Malaysia (UPM), Dewan Bahasa dan Pustaka (DBP), Institut Pendidikan Guru Kota Bharu, Kolej Universiti TATI dan Yayasan Islam Terengganu termasuklah para akademik, mahasiswa dan mahasiswi dari sekitar Jakarta, Semarang dan Universiti Maryland dari Salatiga dengan

anggaran kira-kira melibatkan 400 orang peserta.

SILiN 2017 dirasmikan oleh Rektor Institut Agama Islam Salatiga, Dr. Rahmat Hariyadi dengan ucap tama disempurnakan oleh Tabitha Kidwell dari Universiti Maryland, Yang Berhormat (YB) Ghazali Taib dari Kerajaan Negeri Terengganu dan Presiden BUDIMAN, Profesor Madya. Dr. Abdul Halim Ali. Menurut Abdul Halim, menerusi seminar ini hubungan kerjasama ahli akademik di Malaysia khususnya dari UPSI dengan IAIN dapat dipertingkatkan terutama dalam bidang penerbitan dan pengembangan ilmu.

Sebelum itu, para peserta dari Malaysia telah diundang ke Jamuan Makan Malam bersama Walikota Salatiga, Bapak Yuliyanto, SE, MM. Sempena seminar itu turut disempurnakan majlis menandatangani MoU di antara BUDIMAN Malaysia dengan IAIN Salatiga bagi mengupayakan usaha memperkasakan literatur Nusantara.



MAJLIS menandatangani MoU antara BUDIMAN Malaysia dengan IAIN Salatiga bagi mengupayakan usaha memperkasakan literatur Nusantara.